



UNIVERSITÄTS-
BIBLIOTHEK
PADERBORN

Universitätsbibliothek Paderborn

De Verbo Dei Libri Tres

Helm, Heinrich

Coloniae, 1560

VD16 H 1736

Haereses sunt morbi laetales in corpore ecclesiae. Cap. XV.

urn:nbn:de:hbz:466:1-30114

vos estis qui loquimini, sed spiritus patris vestri loquitur
in vobis. Sic Christus hortabatur per Paulū, & loquebat **Matt. 10.**
in eo. Vnde dixit ad Theſſalonicen. q̄ mea documēta sper **2. Cor. 5.**
nit, nō hominē spernit, sed Deū, qui dedit spiritū suū san **2. Cor. 13.**
ctū in vobis. Et alibi: Si q̄s propheta aut spiritualis videt **1. Theſ. 4.**
esse inter vōs cognoscat quæ scribo vobis, quia dñi māda- **1. Cor. 14.**
ta sunt. Nihilominus ea quæ ibi tractauit, in nullo haben-
tur euangelio. Hinc pambulās Syriā & Ciliciā cū Sylā, cō- **Act. 15.**
firmabant ecclesias in omni opere & sermone bono, p̄ci-
pientes custodire præcepta apostolorum & seniorum. At
illa præcepta, in euangelij non habentur.

*Hæreses sunt morbi letales in corpore ec-
clesiæ.* Cap. XV.

Proinde, quoties noua difficultas aut dissentio, aut
schisma in his quæ fidei sunt, à Satanæ apostolis fuscī
tatur in ecclesia, veluti nonus morbus in corpore hominis,
vel nouus tumultus aut seditio in ciuitate, aut nouū bel-
lū ab hostibus intentatur regi & eius regno: mox per do-
ctores sanctos fidei veritas per scripturarum veram expo-
sitionem est declarata, & fugatis errorū tenebris cum suis
authoribus hæreticis, lux veritatis radios suos longè late-
que diffudit. Et quid sunt nouæ hæreses in corpore Chri **Acto. 1. 6.**
sti (quod est ecclesia iustorum) nisi noui & letales morbi? **15. 12.**
Qui ne corpus occidant, aut membra depascāt, destruant **Rom. 12.**
aut inficiant, malagmate verbi Dei quod sanat omnes in- **1. Cor. 12.**
firmitates credentium, curari debent: et ne mala per lon- **Sap. 18.**
gas moras conualescant, statim adhiberi. Et sicut ho-
mo malè habere incipiens medicinas negligens, aut me-
dicorum consilia non requirens, aut eorum præcepta nō
custodiēs, occidit semetipsum: sic q̄ in fide fluctuare inci-
pit, & infirmari in bonis moribus, & grauis fieri ad custo-
diēda mādata, mox verbo Dei seipsum instruere debet ad
salutem.

salutem.

salutem, mederi peccatis, & facere quæcunque eum docet ecclesiæ doctores. Nam hæretici morbos non dant, sed vulnerant sanos, augent morbos, & dant pocula mortis, ac præcepta occasionis.

Hæreses sunt tumultus in ciuitate Dei & seditiones. Cap. XVI

AET quid sunt hæreses in ecclesia, nisi tumultus & seditiones per pestilentes ac filios Belial excitatæ, quibus nisi per bonorum prudentiam & consilia obuiam itum fuerit, mox infinita mala oriuntur, ad hominum interitum, bonorum direptionem, & totius ciuitatis subuersionem. Ecclesia autem ciuitas Dei sancta est, in qua Iusticia regnat. Verum si impij hæretici sumpserint principatum, tunc gemit populus Dei. Tunc corrumpitur in platies veritas doctrinæ euangelicæ & vitæ, & iusticia longè stat. Tunc veritas fit in obliuionem, & qui recedit à malo, prædæ patet. Tunc deridetur iustorum simplicitas, sed tabernacula prædonum abundant, & audacter Deum prouocant, cum deriderit omnia in manus eorum.

Apoc. 19.

Prou. 29.

Esaï. 59.

Iob. 12.

Hæreses sunt noua bella in militia Christi. Caput. XVII

ET quid sunt nouæ hæreses, nisi noua bella in regno Christi? At illa bella optimè finiuntur, si mox ut se impij contra regnum Christi erigunt & priusquam multitudine se muniunt eis itur obuiam & cum complicitibus per gladium verbi Dei debellantur. Et si manum dare, impia dogmata reuocare recusant, etiam in corpore occiduntur, vel carceribus perpetuis mancipantur. Melius enim est, ut vnus homo moriatur, quàm per eum tota gens seducatur & pereat in anima & corpore. Sic oportet ignem istum cum paruus est, extinguere. Quod si neglectum fuerit tota vorax flamma

Ioan. 11.

Eccî 11.